

**Enpresaren identifikazioa eta helbidea**

- ARKEMA QUIMICA, S.A.
- Epele auzoa, 26. zenbakia - 20120 – Hernani (Gipuzkoa)

**1254/1999 Errege Dekretua betetzen dela adieraztea**

ARKEMA QUIMICA, S.A. enpresaren Hernaniko instalazioak uztailaren 16ko 1254/1999 Errege Dekretuko erregelamenduzko xedapenak beteko ditu. (Errege Dekretu horren bidez, istripu larrietan gai arriskutsuak tarteko direnean sortzen diren arriskuak kontrolatzeko neurriak onesten dira).

Arautegi honen 9. artikuluko 1. atalean adierazitakoari jarraiki, enpresak bidezko segurtasun-txostena helaraziko dio agintari eskudunari.

**Enpresaren jarduera**

ARKEMA QUIMICA, S.A. enpresaren Hernaniko instalazioan, binil polikloruroa egiten dute (PVC) eta, horretarako, binil kloruro monomeroa (CVM) erabiltzen dute.

**Istripu larria eragin dezaketen gaiak**

Fabrikazio-prozesuan, gai jakin batzuk erabiltzen dira. Hala ere, gai horien ezaugarriak eta kantitateak kontuan hartuta, arriskuen analisietatik ondoriozta dezakegu istripu larriak (alegia, instalaziotik kanpo eragiten duten istripuak) binil kloruro monomeroa (CVM) tartean denean bakarrik gerta daitezkeela.

Binil kloruro monomeroa gas likidotua da, oso sukoia, eta instalazioan esfera batean eta hainbat depositutan jasotzen da.

Gerta litezkeen istripu larriak eta horien ondorio posibleak

Egoera horren ondorioz, instalaziotik kanpo eragina duten istripu larriak izan daitezke:

- CVMaren ihesak eragindako gas-hodeiak eztanda egiteak
- CVMaren esfera pitzatu eta su hartzearen ondorioz su-bola eratzek.

Istripu hauek gainpresioak (eztanda gertatzen bada) edo bero-erradiazioak (su-bolaren kasuan) sor ditzakete eta horiek pertsonengan, ondasunetan eta ingurumenean eragina izan dezakete. Gainpresioaren eta bero-erradiazioaren arabera, bi jardun-eremu zehaztu dira: Esku hartzeko alderdia eta alerta-egoerako alderdia. Alderdi hauei dagozkien balioak eta ondorioak honakoak dira:

GAINPRESIOAK

Aldea	Gainpresioaren balioa (mbar)	Aurreikusitako kalteak		
		Ondasunetan	Pertsonengan	Ingurumenean
EA	125	Trenkadak eta panelak haustea	Trenkaden artean harrapatuta geratzearen ondorioz, zauritzea	---
AA	50	Kristalak haustea	Kristalak jaurtitzearen ondorioz, zauritzea	---

BERO-ERRADIAZIOA

Aldea	Bero-erradiazioa (kW/m <sup>2</sup> )	Aurreikusitako kalteak		
		Ondasunetan	Pertsonengan	Ingurumenean
EA	5	---	2. graduko erredurak (> 30 s.)	---
AA	3	---	1. graduko erredurak (> 30 s.)	---

Istripu larria gertatuz gero biztanleak ohartarazi eta informatzea

Goian aipatutako istripuetakoren bat eragin lezakeen istripu-egoera agertzen bada instalazioan, agintariak arduratuko dira biztanleak ohartarazteaz eta informatzeaz. Honako bitartekoak erabiliko dira biztanleak ohartarazi eta informatzeko:

- Zuzeneko jakinarazpenak, megafoniaz. Udaltzaingoak edo Ertzaintzak egingo ditu.
- Gizarte-komunikabideak (telebista eta irratia).

**Instalazioan larrialdi-egoera agertzen bada biztanleek hartu beharreko neurriak**

Instalazioan istripu larria gertatzen bada, biztanleek jarraian aipatzen diren neurriak hartuko dituzte, istripu-egoeraren ezaugarriak, horren bilakaera eta instalazioekiko hurbiltasuna kontuan hartuta:

- Konfinamendua
- Urrutiratzea

Konfinamenduari edo urrutiratzeari dagozkion oinarrizko jarraibideak honakoak dira:

**KONFINAMENDU ETA AUTOBABESERAKO JARRAIBIDEAK**

- KALEAN BAZAUDE, BABESTU ARNASBIDEAK MUSUZAPIAREKIN EDO TRAPUAREKIN ETA BILATU BABESLEKUA
- ITXI ATEAK ETA LEIHOAK (AHAL BADA, JAITSI PERTSIANAK) ETA ALDENDU. BEHARREZKOA BADA, JARRI TRAPU BUSTIAK ZIRRIKITUETAN. EZ ERABILI KANPOTIKO AIREZTAPENENKO APARATUAK.
- EZ EGON ERAIKUNTZETAKO BEHEKO ALDEETAN (SOTOAK, GARAJEAK, E.A.). AHAL BADA, IGO SOLAIRU GORENETARA.
- EZ ZAITEZ JOAN SEME-ALABEN BILA ESKOLARA. ARDURAPEAN DITUZTENEN BADAKITE ZEIN NEURRI HARTU BEHAR DITUZTEN.
- EZ ERABILI TELEFONOA, BEHAR-BEHARREZKOA EZ BADA BEHINTZAT.
- ENTZUN BERTAKO IRRATIAK ETA JARRAITU AGINTARIAK EMATEN JOANGO DIREN JARRAIBIDEAK ETA GOMENDIOAK

**URRUTIRATZEKO ETA BABESLEKUA BILATZEKO JARRAIBIDEAK**

- 
- URRUTIRATZEN ZAREN BITARTEAN, BABESTU ARNASBIDEAK MUSUZAPIAREKIN EDO TRAPUAREKIN ETA BILATU BABESLEKUA
- JOAN BEHARREKO LEKURA HELTZEN ZARENEAN, BILATU BABESLEKUA LOKAL EDO ERAIKIN BATEN BARRUAN ETA ITXI LEIHOAK ETA ATEAK.
- EZ ZAITEZ JOAN SEME-ALABEN BILA ESKOLARA. ARDURAPEAN DITUZTENEN BADAKITE ZEIN NEURRI HARTU BEHAR DITUZTEN.
- EZ ERABILI TELEFONOA, BEHAR-BEHARREZKOA EZ BADA BEHINTZAT.
- ENTZUN BERTAKO IRRATIAK ETA JARRAITU AGINTARIAK EMATEN JOANGO DIREN JARRAIBIDEAK ETA GOMENDIOAK

**Istripu larria gertatuz gero instalazioan egin beharrekoa**

1254/1999 Errege Dekretuan adierazitako betebeharrei jarraiki, instalazioan honakoak egin beharko dira:

- Neurri egokiak hartu istripuak ahalik eta ondorio txikienak izan ditzan.
- Kanpoko larrialdi-zerbitzuekin harremanetan jarri

Instalazioan bertan egiten diren esku hartzeko jardunak eta agintari eskudunei adierazi beharrekoak Barruko Larrialdietarako Planean jasotzen dira.

**Kanpoko Larrialdietarako Plana**

Eusko Jaurlaritzaren Larrialdiei Aurregiteko Zuzendaritzak Kanpoko Larrialdietarako Plana garatu du ARKEMA QUIMICA, S.A. enpresaren Hernaniko instalazioan gerta litezkeen istripuetarako. Plan horren bidez, instalaziotik kanpo eraginik izan dezaketen eta, ondorioz, instalazioaren inguruetan eragiten duten egoerei aurre egiteko antolatzeke modua eta beharrezko baliabideak ezartzen dira.

Kanpoko Larrialdietarako Plan honetan, larrialdi-zerbitzuek nola jokatuko duten adierazten da eta, horrez gain, larrialdi-egoera agertzean zerbitzu horiek emango dituzten aginduak ere jasotzen dira.

**Informazio gehigarria**

Informazio gehigarria nahi izanez gero:

- Web orria: [www.euskadi.net/112](http://www.euskadi.net/112)
- Telefonoa: 945 01 88 83